

堯山堂外紀

堯山堂外紀卷三十四

晉陵蔣仲舒編

唐

文宗

性嗜蛤蜊一日御饌中有劈不開者焚香禱之乃開見菩薩形具足賜與

善寺

太和末帝誅王涯等仇士良愈專恣帝惡之雖登臨遊幸未嘗為樂或瞠目獨語左右莫敢進問因題詩曰輦路生春草上林花滿枝憑高何限

意無復侍臣知。一日看牡丹或吟曰折者如語
含者如咽俯者如愁仰者如悅吟罷方省舒元
輿詞不覺嘆息泣下沾衣

開成中裴晉公以病丐還東都帝命盧洪宣諭曰
為朕卧護壯門也上巳曲江賜宴羣臣賦詩帝
遣中使賜度詩曰注想待元老識君恨不早我
家柱石哀憂來學丘禱仍賜御札曰朕詩集中
欲得見卿唱和詩故令示此卿疾未瘥可他日

進來御札及門而度薨

文宗御宴宮妓沈翹翹舞河滿子其詞云浮雲蔽
白日文宗曰汝知書耶此是文選第一首念君
臣值奸邪所蔽正是今日乃賜金玉環遂問其
由翹翹泣曰妾本吳元濟女没入掖庭易姓沈
因配樂籍本藝方響乃白玉也因奏梁州曲音
韻清絕上喜謂曰卿欲歸宮禁欲遣人翹翹不
對上知其意乃選金吾判官秦誠聘之出宮之

夕宮人伴送花燭之盛皆自天恩數年後誠使
日本久不歸翹翹執玉方響登樓自為一曲名
憶秦郎云

柳公權

字誠懸公綽之弟當時大臣家碑誌
非其筆人以子孫為不孝外夷入貢
者皆別署貨買曰此購柳書唐朝歐陽詢
化度寺碑虞世南孔子廟堂記柳公權陰
符經序三公以書
名三碑又最精者

文宗時柳公權充翰林學士從幸永安宮苑中駐
蹕謂公權曰我有一喜事邊上衣賜久不及時

今年二月給春衣訖公樞前奉賀上曰可賀我以詩宮人迫其口進公樞應聲曰去歲雖無戰今年未得歸皇恩何以報春日得春衣上悅激賞之

公樞為學士日每玉堂召對蠟燭見殿宮人以蠟揉紙繼之

文宗夏日與諸學士聯句曰人皆苦炎熱我愛夏日長柳公樞續曰薰風自南來殿閣生微涼諸學士屬和帝獨諷公樞兩句令公樞題于壁上字方圓五寸帝視之嘆曰鍾王復生無以加矣

公樞嘗以隔風紗作龍城記及入朝名品號錦
樣書以進上方御剪刀剪去月兒羹即命分賜

武宗朝柳在內庭上嘗怒一宮嬪久之既而復召
謂公樞曰朕恠此人若得學士一篇當釋然矣
目御前蜀箋數十幅授之公樞略不佇思而成
一絕曰不分前時忤主恩已甘寂寞守長門今
朝却得君王顧重入椒房拭淚痕上大悅令宮
人上前拜謝之

柳誠懸常貯孟孟一笥滕緘如故而所貯物皆亡

奴妄言巨測者誠懸笑曰銀盃羽化矣不復詰

楊敬之

字茂孝文宗命為祭酒兼太常少卿是日二子戎載登科時號楊家三喜

項斯始未為聞人因以卷謁楊敬之楊苦愛之贈詩云幾度見詩詩盡好及觀標格過於詩平生不解藏人善到處逢人說項斯未幾詩達長安明年擢上第

王彥威

洪文館舊不置學士文宗特置一員以待彥威

長安舊俗以不歷臺省出領廉車節鎮者率呼為

廉官大率重內而輕外王彥威有詩刻石宣武
軍鼓角樓曰天兵十萬勇如貔正是酬恩報國
時汴水波瀾喧鼓角隋堤楊柳拂旌旗前驅紅
旆關西將坐間青娥趙國姬寄與長安舊冠蓋
宸官到底是男兒彥威自太常博士出辟使府
至茲鎮故有是句

劉得仁

咸通間宰臣張文蔚奏名儒不遇者
十餘人請賜一官以慰地下得仁其

也一

劉得仁貴主之子自開成至大中三朝昆弟皆歷
貴仕而得仁苦於詩出入舉場三十年卒無成
常自述曰外族帝王是中朝親故稀翻令浮議
者不許九霄飛既終詩人競為詩吊之

得仁悲老宮人云白髮宮娃不解悲滿頭猶自挿
花枝曾緣玉貌君王愛準擬人看似舊時

杜牧

字牧之時稱小杜以別杜甫為睦州刺史
弘簡刑清歸紫微太守楊州蘇隱夜

卧聞被下有數人齊念牧阿房宮賦聲繁
而小急聞被視之無他物惟得虱十餘其

大如豆較
之即止

杜舍人牧弱冠登科名振京邑嘗與一二同年城南遊覽至寺中有禪僧擁褐獨坐與之語玄言妙旨咸出意表問杜姓字又云修何業衆具以對且以累捷誇之顧而笑曰吾皆不知也杜歎訝因題詩曰家在城南杜曲傍兩枝仙桂一時芳禪師都未知名姓始覺空門意味長
太和末牧佐宣州幕遊湖州刺史崔元亮為設宴

張水嬉兩岸觀者如堵忽有里姥引髻髻女十
餘歲真國色也牧命至舟姥女皆懼牧曰且不
卽納當為後期吾十年後必為此郡不來乃從
他適後大中三年牧乞守湖州比至則十四年
女從人已三載生二子矣牧悵然賦詩曰自恨
尋芳到已遲往年曾見未開時如今風擺花狼
籍綠葉成陰子滿枝。

杜牧為宣州幕時有酒妓肥大牧贈詩曰盤祖當

時有遠孫尚令今日逞家門一車白土將泥臉
十幅紅綃補破褌瓦棺寺裏逢行跡華岳山前
見掌痕不須啼哭愁難嫁待與將書問岳牧同
州酒亂崔雲娘形貌瘦瘠每戲調舉蜀衆賓兼
詩歌聲自以為邦人之妙李宣古當筵一詠遂
至箝口詩曰何事最堪悲雲娘只首奇瘦奉拋
令急長嘴出歌遲只見肩侵髻唯憂骨透皮不
須當戶立頭上有鍾馗又陸巖夢桂州筵上贈
胡子女詩云自道風流不可攀那堪處顏更顏
顏眼睛深却湘江水鼻孔高於華岳山舞態固
難居掌上歌聲應不遠梁間孟陽死後欲千載
猶有佳人
覓往還

杜牧之既為御史久之分務洛陽時李司徒愿罷
鎮閒居聲伎豪侈嘗開筵集朝士以杜持憲不
敢邀致杜遣座客達意願預斯會李不得已邀
之杜獨坐南行瞪目注視問李云聞有紫雲者
孰是李指示之杜凝睇良久曰名不虛得宜以
見惠李俯而笑諸妓亦皆回首破顏杜乃自飲
起吟曰華堂今日綺筵開誰喚分司御史來忽
發狂言驚四座兩行紅粉一時迴氣意閑逸旁

若無人

初牛奇章帥維揚杜牧之在幕中每夜出狹斜痛
飲酣醉而歸奇章常令人潛護之及牧之拾遺
召臨別公因以縱逸為戒牧之初猶抵飾牛命
取一篋以示皆每夜街吏所報杜書記平善帖
也杜始愧謝後牧自以年漸遲暮常追賦感舊
詩曰落魄江湖載酒行。楚腰纖細掌中情。十年
一覺揚州夢。贏得青樓薄倖名。又曰觥船一棹

百分空。十載青春不負公。今日鬢絲禪榻畔。茶

烟輕颺落花風。

奇章公卒壯為誌極言其美報所知也

魏扶

太和中進士

魏扶知禮闈入貢院題詩云梧桐葉落滿庭陰。鎖
閉朱門試院深。曾是當年辛苦地。不將今日負
初心。及放榜無名子。削其梧桐鎖閉曾。是不將
二字為五言詩以譏之

范鄴

劉郇伯與范鄭郎中為詩友范曾得一句云歲盡
天涯雨久而莫屬郇伯曰何不曰人生分外愁
范甚賞之

太和八年放榜多貧士無名子作詩曰乞兒還有
大通年六十三人籠仗金薛庶準前騎瘦馬范
鄭依舊蓋番羶

雍陶

字國鈞太和末進士後自
國子毛詩博士刺簡州

雍陶蜀川上第後稍薄親黨其舅雲安劉敬之罷

舉歸三峽責陶不寄書曰山近衡陽雖少鴈水
連巴字豈無魚陶得詩悽報乃有孤首之思
雍陶爲簡州牧自比謝宣城柳吳興賓至則挫折
之投贄者稀得見有馮道明者請謁詒閤者曰
與太守故舊及引見呵責曰與公昧平生何故
舊之有道明曰誦公詩日得相見何隔平生遂
吟雍白鷺詩云立當青草人先見行傍白蓮魚
未知又閉門客到常疑病滿院花開不似貧

江聲秋入峽。雨氣夜侵樓。雍聞吟歡狎。道明遂如曩。簪之交。

折柳橋在簡縣。初名情盡橋。雍陶典雅州日送客至其地。問左右曰。送迎之地止此。故名。陶命筆題其柱曰。折柳。因賦詩曰。從來只說情難盡。何事教名情盡橋。自此改名為折柳。任教離恨一條條。自後送別必吟是詩。

李商隱

字義山。自稱玉谿子。為文多檢閱書冊。左右鱗次號。賴祭魚時與溫庭筠

段成式華相
號三十六體

李義山少遊長安投宿旅店達主人會客因召與
坐不知為義山也酒酣客賦木蘭花詩義山后
就曰洞庭波冷曉侵雲日日征帆送遠人幾度
木蘭舟上望不知元是此花身坐客大驚詢之
方知義山

李商隱淚詩永巷長年怨綺羅離情終日思風波
湘江竹上痕無數峴首碑前灑幾多人去紫臺

秋入塞。兵殘楚帳。夜聞歌。朝來灞水橋邊問。未
抵青袍送玉珂。

商隱為彭陽公

楚令狐

從事以牋奏受知彭陽子綯

繼相惡商隱從鄭亞之辟以為忘家恩疎之重
陽日商隱詣綯廳事題云曾共山翁把酒卮。霜
天白菊遠墻墀。十年泉下無消息。九日尊前有
所思。不學漢臣裁首藉。空教楚客詠江蓠。郎君
官貴施行馬。東閣無因再得窺。綯覩之慙恨局

鎖此廳終身不處

韓偓父瞻開成六年李義山同年也義山有餞韓
同年西迎家室戲贈云籍籍征西萬戶侯新綠
貴嬌起珠樓。一名我漫居先甲。千騎君翻在上
頭。雲路招邀回綵鳳。天河迢遞笑牽牛。南朝禁
鬱無人寄。瘦盡瓊枝為四愁。偓小字冬郎義山
云嘗即席為詩相送一座盡驚句有老成之風
因有詩云十歲裁詩走馬成。冷灰殘燭動離情。

桐花萬里丹山路。雛鳳清於老鳳聲。

詩到李義山謂之文

章一厄以其用事僻造時稱西崑體嘗有送宮人入道詩云九枝燈外朝金殿三素雲中侍玉樓接入道秘言曰立春日清朝北望有紫絲白雲者為三元君三素飛雲也乘八輪之輿上詣天帝侯見再拜自陳乞得侍給輪轂三過見元君之輦者白日昇天義山詩出此

盧肇

字子發登第時或問由來曰肇袁民也或曰袁州出舉人耶肇曰袁州出舉人

亦猶沅江出鰲甲九肋者稀

開成初盧肇就江西解試為試官未送肇有謝啓云巨鰲嶺巔首冠蓬山試官謂之曰昨眼人數

擠排深慙名第奉浼何云首冠肇曰頑石處上
巨鼇戴之豈非首冠一坐大笑

盧肇與同郡黃頗齊名頗富而肇貧同日赴舉郡
守獨餞頗于郵亭肇駐蹇十里以俟明年肇狀
元歸郡守大慙會延肇看競渡肇席中賦詩曰
三溪久住思端午館驛樓前看發機鞞鼓動時
雷隱隱獸頭凌處雪微微衝波突出人齊噉躍
浪爭先鳥退飛向道是龍剛不信果然奪得錦

標歸

牛奇章納妓曰真珠有殊色盧肇初計偕至襄陽
奇章重其文延于中寢會真珠沐髮方以手捧
其髻挿釵於兩鬢間丞相曰何妨一詠肇即賦
云神女初離碧玉墀彤雲猶擁牡丹鞋知道相
公憐玉腕故將纖手整金釵皇甫松牛奇章公
之甥怨公不薦為
諺詩曰夜入真珠室朝游玳
瑁宮真珠即公侍妾名也

李德裕嘗左宦宜春盧肇以文見知既拜相舊例

放榜先呈宰相王起問德裕所欲答曰何問為
如盧肇丁稜姚鵠豈可以不與及第起遂依次
放之唐制進士放榜訖則謁宰相即榜元致詞
時盧肇首冠有故不至次乃丁稜稜口吃又形
體小陋迨引見則俯而致詞意本言稜等登科
而稜頽然汗發鞠躬移時乃曰稜等登稜等登
竟不能登及語左右皆笑翌日友人戲之曰聞
君善箏可得聞乎稜猶不悟友人曰昨日聞稜

等登稜等登豈非第聲耶。

張祐於甘露寺觀聲詩曰不謂三吳經此詩也祐
曰日月光先到山河勢盡來聲曰地從京口斷
人自海門回因而仰伏

王鐐富有才情數舉未捷盧聲等公薦於春官乃
旌鐐嘉句曰聲石易得火扣人難動心今日朱
門者曾恨朱門溪聲聞藹然遂擢上第

裴思謙

開成初
登上第

裴思謙及第後作紅牋名紙十數詣平康里因宿
於里中詰旦賦詩曰銀缸斜背解鳴璫。小語偷
聲喚玉郎。從此不知蘭麝貴。夜來新染桂枝香。

許渥

開成初進士許渥遊河中忽得病夢至崑崙見數
人飲招之至暮而罷賦詩曰曉入瑤臺露氣清。
座中唯有許飛瓊。塵心未盡俗緣在十里下山
空月明。他日復夢至其處飛瓊曰何故顯余姓

名於人間坐中即改為天風吹下步虛聲。

薛逢

字陶臣崔鉉相
日引直弘文館

會昌中薛逢累遷巴州刺史人歌曰日出而耕日
入而歸吏不到門夜不掩扉有孩有童願以名
垂何以字之薛孫薛兒

薛逢晚年厄於宦途嘗策羸赴朝值新進士榜下
綴行而出時進士團司所由輩數十人見逢行
李蕭條前導曰迴避新郎君逢輒然遣介語曰

莫貧相阿婆三五少年時也曾東塗西抹來

王鐸楊牧皆薛逢同年也又作相逢有詩曰須知
金印朝天客同是沙堤避路人威鳳偶時皆瑞
聖應龍無水謾通神又聞之怒王鐸作相逢又
有詩曰昨日鴻毛萬鈞重今朝山岳一毫輕鐸
又怒之

趙嘏

字承祜曾有詩曰早晚粗酬身事了
水邊歸去一閑人果卒於渭南尉

杜紫薇覽嘏早秋詩云殘星幾點鴈橫塞長笛一

聲人倚樓吟味不已。因目為趙倚樓。復贈詩曰。
今代風騷將誰登。李杜壇壘陵。鯨海動秦苑。鶴
天寒。今日訪君還有意。三條冰雪獨來看。

趙嘏嘗家于浙西。有美姬惑之。洎計偕。以其母所
阻。遂不攜去。會中元。為鶴林遊。浙帥窺其姬。遂
奄有之。明年嘏及第。因以一絕箴之。曰。寂寞堂
前日又曛。陽臺去作不歸雲。當時聞說沙吒利。
今日青娥屬使君。浙帥不自安。遣一介歸之於

嘏嘏時方出關途次橫水驛見堯昇人馬甚盛
偶訊其左右對曰浙西尚書羌送新及第趙先
輩娘子入京姬在舁中亦認嘏嘏下馬揭簾視
之姬抱嘏慟哭而卒遂塋於橫水之陽

會昌末陳商榜翰林覆落張瀆等八人趙渭南貽
瀆等詩曰莫向春風訴酒盃。謫。僊。真。箇。是。仙。才。
猶堪與世為祥瑞。曾。到。蓬。山。頂。上。來。

令狐楚自翰林學士拜相子綯自湖州召入翰林

為學士間歲拜相趙嘏獻詩曰鶚在鄉雲水在
壺代天才業奉訐謨榮同伊陟傳朱戶秀比王
商入畫圖昨夜星辰回劍履前年風月滿江湖
不知機務時多暇猶許詩家屬和無

薛能

字大拙會昌末進士官徐州節度使

薛能自負過高從事西川日每短諸葛功業為詩
曰陣圖誰許可廟貌我揶揄又云焚却蜀書宜
不讀武侯無可律吾身又曰當時諸葛成何事

只合終身作卧龍譏李白曰我生若在開元日
爭遣名為李翰林又曰李白終無取陶潛固不
刊自題其集云詩源何代失澄清處處狂波汚
後生常感道孤吟有淚却緣風壞語無情難耳
惡少欺韓信枉被諸侯殺補衡縱到緱山也無
益四方聯絡盡蛙聲能詩差勝蔡邕州其桃徐
相類蔡譏四皓曰如何髮
髮霜相似更出深山定是非薛譏孔明髮見於
篇章二子功名不終亦略相等當是口業報
薛能獻僕射相公云清如水玉重如山百辟嚴趨

禮絕攀強虜。外聞應破膽。平人相見盡開顏。朝
廷有道。青春好。門館無私白。晝閑致却垂衣更
何事。幾多詩句詠關關。

趙璘儀質瑣陋。成名後為壻薛能。為儔相。乃為詩
嘲謔。其略曰。巡關無傍樗蒲局。望月還登乞巧
樓。第一莫教嬌太過。綠人衣帶上人頭。又曰。不
知元在鞍橋裏。將為空馱席帽歸。又曰。火爐牀
上平身立。便與夫人作鏡臺。

秦宗權始為薛能吏坐法笞背薛因唱云素脊鳴
秋杖良久不繼因募吏曰事續云烏靴響暮廳
乃命決行其後宗權起兵首捕薛令舉前詩因
又續云刃飛三赤雪白日落文星遂害之

張揆

會昌中有邊將張揆防邊近十年其妻侯氏綉回
文作龜形詩詣闕進曰睽離已是十年強對鏡
那堪更理粧聞鴈幾回修尺素見霜先為製衣

堯山堂外紀卷三十四
裳開箱疊練先垂淚拂杵調砧更斷腸綉作龜
形獻天子願教行客早還鄉

堯山堂外紀卷三十四終

堯山堂外紀卷三十五

晉陵蔣仲舒編

唐

宣宗忱

帝酷愛進士及第常於內
自題鄉貢進士李道龍

宣宗微時以武宗忌之遁跡為僧一日遊方遇黃
蘗禪師同行因觀瀑布黃蘗曰我詠此得一聯
而下韻不接宣宗曰當為續成之黃蘗云千巖
萬壑不辭勞遠看方知出處高宣宗續云溪澗

豈能留得住終歸大海作波濤後竟踐位

南昌有百丈山吳源水倒出飛下千尺故歸百丈
下有智院宣宗遜跡方外時嘗至此題詩云
日月每從肩山過山河長向掌中看

宣宗重陽日賜宴羣臣有御製詩略曰欵塞旋征
騎和戎委廟賢傾心方倚注協力共安邊宰臣
以下應制皆和魏謩兩聯云四方無事去神豫
杪秋來八水寒光起千山霽色開上嘉賓人

魏蹈舞拜謝羣寮聳視魏有德色極歡而罷

白樂天卒宣宗以詩弔之曰綴玉聯珠六十年誰
教冥路作詩仙浮雲不繫名居易造化無爲字
樂天童子解吟長恨曲胡兒能唱琵琶篇音文
章已滿行人耳一度思量一愴然

宣宗愛唱菩薩蠻詞云牡丹帶露真珠顆佳人折
向庭前過含笑問檀郎花強妾貌強檀郎故相
惱只道花枝好一向發嬌嗔碎接花打人時有

婦人斷夫兩足者上戲語宰相曰無乃碎接花
打人耶

宣宗舅鄭光鎮河中上封其妻為夫人不受表辭
曰白屋同愁已失鳳鳴之侶朱門自樂難容烏
合之人上笑曰誰教阿舅作此好事左右對光
多任一判官田絢者掌書記上欲以翰林官之
論者以不由進士又無引援遽止

鄭顥

宰相細之孫以起居郎尚宣
宗女萬壽公主恩寵無比

鄭顥因壽昌節上壽回夢一宮殿與十數人納涼
聯句既悟省石門霧露白玉殿蒼苔青十字怪
其不祥不數日宣宗弓劍上僊方悟其事乃續
為十韻云間歲流虹節歸軒出禁扃。奔波流長
景。蕭洒夢殊庭。境象非曾到。崇嚴昔未經。日斜
鳥歛翼。風動鶴踈翎。異苑人爭集。涼臺筆不停。
石門霧露白。玉殿蒼苔青。若匪災先兆。何緣思
入冥。御爐虛仗馬。華蓋負云亭。白日成千古。金

滕閣九齡小臣哀絕筆湖上泣青萍未幾顛亦

卒

石門二句杜甫集中詩也

裴休

字公美大中六年拜相為人醒藉進止雍閑宣宗曰休真儒者

裴休贈黃蘗山僧詩曰自從大士傳心印額上圓

珠七尺身挂錫十年棲蜀水浮盃今日渡江濱

一千龍象隨高步萬里香華結勝因擬欲事師

為弟子不知將法付何人休以此詩呈示黃蘗

黃蘗不顧曰若形於紙墨何有吾宗休問其故

曰上乘之印唯是一心更無別法心體一空萬緣俱寂如大日輪升於虛空其中照耀靜無纖埃證之者無新舊無淺深說之者不立義解不開戶牖直下便是動念即乖其後休錄之為傳心法要云

溫庭筠

字飛卿本名岐曾於江淮為親表辱之由是改名以早行詩雞聲茅店月

人跡板橋霜知名於世詞歸金荃集子憲

溫庭筠才思艷麗工於小賦每入試押官韻作賦

凡八入手而八韻成時號溫八吟李義山謂曰
近得一聯句云遠比趙公三十六年宰輔未得
偶句溫曰何不云近同郭令二十四考中書

宣皇好微行與溫庭筠遇於逆旅溫不識龍顏傲
然詰之曰公非長史司馬之流帝曰非也又曰
得非六參簿尉之類帝曰非也會執政有奏庭
筠攪擾場屋黜方城尉紀唐夫送以詩擅場當
時詩曰何事明時泣玉頻長安不見杏園春鳳

皇詔下雖露命鸚鵡才高却累身。且飲綠醪消
積恨。莫辭黃綬拂行塵。方城若比長沙路。猶隔
千山與萬津。唐夫以此得名。

宣宗嘗賦詩句有金步搖。未能對遣求進士對之。
庭筠乃對以玉條脫。宣宗賞焉。又藥名有白頭
翁。溫以蒼耳子為對。他皆類此。

張林言毀佛寺時。御史有蘇監察者。檢天下廢寺。
見銀佛一尺以下者。多袖歸。時號蘇捏佛。溫庭

筠遽曰好對蜜陀僧

溫庭筠見蝱螻得句云蜜官金翼使徧示知識無人可屬久之自聯其下云花賊玉腰奴

宣皇愛唱菩薩蠻詞丞相令狐絢假溫庭筠修撰密進之戒令勿洩溫遽言於人由是踈之溫亦有言云中書堂內坐將軍譏相國無學也

令狐絢曾以舊事訪於庭筠對曰事出南華非僻書也或冀相公燮理之暇時宜覽古絢益怒奏

庭筠有才無行卒不登第庭筠有詩曰因知此
恨人多積悔讀南華第二篇

令狐綯為相自以姓氏少族人有投者不吝通族
由是遠近爭赴至有姓胡冒令者溫庭筠戲為
詩曰自從元老登庸後天下諸胡悉帶令

杜棕自西川除淮海庭筠詣韋曲杜氏林亭留詩
云卓氏鑪前金線柳隋家堤畔錦帆風貪爲兩
地行霖雨不見池蓮照水紅邠公聞之遺絹千

足

裴郎中誠晉國公次弟子也。足情調善談諧。與溫
岐為友好。作歌曲。既入臺。為三院所謔。曰。能為
淫艷之歌。有異清潔之士。其南歌子詞云。不是
厨中串。爭知炙裏心。井邊銀釧落。展轉恨還深。
又曰。不信長相憶。搗頭問取天。風吹荷葉動。無
夜不搖蓮。又曰。蜂螭為紅燭。情知不自由。細絲
斜結網。爭柰眼相鉤。二人又為新添聲楊柳枝。

詞裴詞云思量大是惡因緣只得相看不得憐
願作琵琶槽那畔美人長抱在胸前又曰獨房
蓮子没人看偷折蓮時命也拚若有所由來借
問但道偷蓮是下官溫詞云一尺溪紅勝麴塵
舊物天生如此新合懽桃核終堪恨裏許元來
別有人又曰井底點燈深燭伊共郎長行莫團
碁玲瓏骰子安紅豆入骨相思知不知湖州崔
郎中芻言初為越副戎宴席中有周德華者乃

劉採春女也崔寵愛之令一陳音韻以為浮艷之美德華所唱七八篇皆名流之詠不取溫裴

所稱歌曲二名溪有愧色

德華所唱楊柳枝詞
滕邁郎中一首三條

陌上拂金羈萬里橋邊映酒旗此日令人腸欲斷不堪將入笛中吹賀知章祕監一首碧玉裝成一樹高萬條垂下綠絲條不知細葉誰裁出二月春風是剪刀楊巨源員外一首江邊楊柳麴塵絲立馬憑君折一枝惟有春風最應惜慙慙更向手中吹劉禹錫尚書一首春江一曲柳千條二十年前舊板橋曾與美人橋上別恨無消息至今朝韓琮舍人二首枝開芳腰葉開眉春來無處不如絲灞陵原上多離別少有長條拂地垂又曰梁苑隨堤事已空萬條猶舞舊春

風那堪更想千年後
誰見楊花入漢宮

段成式與溫庭筠詩序云予在九江造雲藍紙輒
送五十枚詩云三十六鱗充信使數番猶得寄
相思

溫飛卿錦鞋賦曰闌裏花春雲邊月新耀粲織女
之東足。嫵婉嫦娥之結鄰。碧縵細鉤。鸞尾鳳頭。
襪稱雅舞。履踰遠遊。若乃金蓮東昏之潘妃寶
縵。臨川之江姬。匍匐非壽陵之步。妖蟲實苧蘿

之施羅襪紅蕖之艷豐趺縞錦之奇凌波微步
瞥陳王旣蹀躞而容與花塵香迹逢石氏倏窈
窕而呈姿擎箱回津驚蕭郎之始見李文明練
恨漢后之未持重為系曰瑤池仙子董雙成夜
明簾額懸曲瓊將上雲而垂手顧轉盼而遺情
願綢繆於芳趾附周旋於綺楹莫悲更衣牀前
棄側聽東晞佩玉聲先是段成式寄飛卿詩云
知君欲作閑情賦應願將身作錦鞋飛卿因作

此答之

溫憲僖昭間就試有司值鄭相延昌掌邦貢以其
父文多刺時復傲毀朝士抑而不錄既不第遂
題一絕於崇慶寺壁後滎陽公因國忌行香見
之憫然動容暮歸宅已除趙崇知舉即召之謂
曰某頃文衡以溫憲庭筠之子深怒嫉之今日
見一絕令人惻然幸勿遺也於是成名詩曰十
口溝隍待一身半年千里絕音塵鬢毛如雪心

如死猶作長安下第人

光啟中溫憲為山南李巨川草薦表盛述先人之
屈曰娥眉先妬明妃為去國之人猿臂自傷李
廣乃不候之將溫終於南山從事

段成式

字柯古文昌子嘗宦游至辰著酉陽雜俎為處州刺史境內惠溪多水恠

成式下車水恠辟
易民遂呼為好溪

池州周繇與段成式韋蟾同遊襄陽徐商幕府襄
陽中堂賞花繇與妓人戲語成式嘲之曰鴛鴦

花前選孟光東山逋客酒初狂素娥畢竟難防
備燒得河車莫遣嘗繇和云迴簪轉黛喜猜防
粉署裁詩助酒狂若遇仙丹偕羽化便隨簫史
亦何傷繇登咸通進士以明皇夢鍾馗賦詩得
名調池之至德令李昭象以詩送之曰
投文得任而今少
佩印還家古所榮

段成式不赴光風亭夜宴贈周繇云屏開屈膝見
吳娃蠻臘同心四照花姹女不愁難管領斬新
鈿裏得黃牙繇和云玉樹瓊筵映彩霞澄虛樓

閣似仙家只緣存想歸蘭室不向春風看夜花
時宴中妓有醉毆者溫飛卿曰若狀此便可以
痕面對粹胡成式乃曰粹胡雲彩落痕面月痕
消又曰擲履仙鳬起捲衣蝴蝶飄羞中含薄怒
頻裏帶余嬌醒後猶攘腕歸時更折腰狂夫自
纓絕眉勢倩誰描韋蟾云爭揮鈎弋手競聳踏
徭身傷頰詎關舞捧心非効頻飛卿云吳國初
成陣王家欲解圍拂巾雙雉叫飄瓦兩鴛飛

襄陽公宴集段成式連罷馳騁坐觀花艷或有眼
飽之嘲周繇賦詩云感鞠且徒為寧如目送時
報讐慙選奕存想恨逶遲促坐疑辟珥啣孟強
朶顧恣情窺窈窕曾恃好風姿色授應難奪神
交願莫辭請君看曲講不負少年期成式和詩
云才甘魚目並藝怯馬蹄間王謝初飛蓋姬姜
盡下山縛雞難角逐射雉豈開顏亂翠移林色
狂紅照座殷防拔齒雖在乞帽鬢慙班儻恕相

如瘦應容累騎還庭筠和云齊馬馳千駟盧姬
逞十三玳筵方盼睐金勒自趑趄墮珥情初洽
鳴鞭戰未酣神交花冉冉眉語柳毵毵

尚書東筦公夜宴坐列數花段成式作連珠以代
劇語其一曰竊以銅街麗人恨塵泥之將隔石
室素女怨仙俗之易分因知三鳥孤鸞從來要
匹金雞玉鵠不願成羣其二曰名比大喬怨佳
期之未卜居連小市恨的信之難移因知夜逼

更長斜。漢回而脉脉寒侵夢。淺行雲去以遲遲。
一時稱其美麗

李羣玉

字文山大中間崔相進其詩以處士直弘文館

羣玉好吹笙。善急就章。喜食鵝。及授校書郎東歸。
盧肇送詩云。妙吹應諧鳳。工書定得鵝。

羣玉在杜丞相棕筵中贈美人云。裙拖六幅瀟湘。
水髮聳巫山一朶雲。貌態祇應天上有。歌聲豈
合世間聞。胸前瑞雪燈斜照。眼底桃花酒半醺。

不是相如憐賦客肯教容易見文君

羣玉解天祿之任而歸沔陽經二妃廟題云小孤
洲北浦雲邊二女明粧玉儼然野廟向江春寂
寂古碑無字草芊芊風迴日暮吹芳芷月落山
溪哭杜鵑猶似含嚔望巡狩九疑凝黛隔湘川
又曰黃陵廟前春已空子規啼血滴松風不知
精爽落何處疑是行雲秋色中羣玉自以春空
遂至秋色欲易之乃有二女郎見曰兒是娥皇

女英也二年後當與郎君為雲雨之遊俄而影
滅李遂禮其神像而去至于潯陽太守段成式
素與李為詩酒友具述此事段戲之曰不知足
下是虞舜之辟陽侯也後二年羣玉果死於洪
州段以詩哭之曰酒裏詩中三十年縱橫唐突
世喧喧明時不作稱衡死傲盡公卿歸九泉又
曰曾話黃陵事今為白日催老無男女累誰哭
到泉臺

長沙日試萬言王璘詞學富贍請十書吏皆給筆
札璘口授十吏筆不停綴首題黃河賦三千字
復為鳥散余花落詩二十首時未亭午已七千
餘言時路嵩方當鈞軸遣一介召之璘曰請候
見帝嵩大怒亟命奏廢萬言科璘杖策而歸放
曠盃酒間一日與李羣玉相遇嶽麓寺羣玉曰
公何許人璘曰日試萬言王璘羣玉待之甚淺
曰請與公聯句可乎璘曰唯子之命羣玉破題

而授之璘略不佇思繼之曰芍藥花開菩薩面
梭欄葉散野人頭羣玉遂屈

韋蟾

字隱桂
下杜人

韋蟾廉問鄂州及罷賓僚祖餞蟾書文選句云悲
莫悲今生別離登山臨水送將歸以牋毫授賓
從請續其句逡巡有妓泫然起曰某不才不敢
染翰欲口占兩句韋大驚異令隨念云武昌無
限新栽柳不見楊花撲面飛蟾令唱作楊柳枝

詞極歡而散贈數十箋納之翌日而發

韋蟾至長樂驛見李瑒給事題名因書其側云渭
水春山照眼明希仁何事寡詩情只應學得虞
姬壻書字纔能紀姓名

鄭薰

字子
溥

大中八年鄭薰掌文時徐寇作亂薰志在激勸勲
烈謂標魯公之後擢之首科旣而問及廟院標
曰標寒素京國無廟院薰始大悟塞默久之時

有無名子嘲曰主司頭腦大冬烘錯認顏標作
魯公

鄭薰既老號所居為隱巖蔕小松七本于庭自號
七松處士嘗曰異時可對五柳先生

苗台符六歲能屬文年十六及第張續亦幼擅詞
賦年十八及第同年進士又同佐鄭薰少師宣
州幕二人常列題於西明寺東廊或竊注之曰
一雙新進士兩箇阿孩兒台符十七不祿讀位

至禮部侍郎

曹鄴

字業之嘗為四怨三愁五情詩為舍人韋慤所知力薦於主司大中間登第

曹鄴未第時有詩云一辭岩桂叢九泣都門月年年孟春至看花不如雪

曹鄴老圃堂詩云邵平瓜地接吾廬穀雨乾時手自鋤昨日春風欺不在就床吹落讀殘書

陳陶

字嵩伯武宣間自稱三代布衣

陳陶隱南昌西山操行清潔嚴宇牧豫章欲撓之

遣小妓蓮花往侍馬陶殊不顧妓乃獻詩求去
曰蓮花為號玉為腮珍重尚書遣妾來處士不
生巫峽夢虛勞神女下陽臺陶答曰近來詩思
清於水老去風情薄似雲已向昇天得門戶錦

衾溪愧卓文君

後人移其事為
陳圖南非也

陳陶種柑橙西山令山童賣之以供朝夕僧貫休
贈詩云高步前山前高歌北山北數載賣柑橙
山資近又足

陳陶隴西行云誓掃匈奴不顧身五千貂錦喪胡塵可憐無定河邊骨猶是春閨夢裏人

陳陶種蘭詩曰幽人餓如何採蘭充餽糧幽人渴如何醞蘭為酒漿地無青苗租白日如散王不嘗仙人藥瑞坐紅霞房

林傑

字智周為李侍御遠所知鄭立作奇童傳貽之

林傑五歲時父肅攜至王仙君霸壇戲問童子能詩乎傑遂口占云羽客已歸雲路去丹爐草木

盡彫殘不知千載歸何日空使時人掃舊壇同
遊諸公初不謂耿歲之作遽臻於此莫不驚異
唐中丞扶命子弟延林傑入學院講習時會七夕
堂前乞巧因試乞巧詩傑援筆曰七夕今朝看
碧霄牽牛織女渡河橋家家乞巧望秋月穿盡
紅絲幾萬條唐驚曰真神童也

外紀三十五卷終

堯山堂外紀卷三十五

十七